

Pfal. 84.

Das bedachte der König David gar wol/ vnd satzte hinden an aller Welt Pracht / vnd Hoheit / vergaß aller zeitlichen Weltgüter/ Schertz/ Wollust/ vnd Kurtzweil/ vnd sagte: Daß ein Tag in den Vorhöfen des **YERON** besser sey/ denn sonst tausend: Er wolte lieber der Thür hüten in vnsers Gottes Hause/ in der Christlichen Kirchen/ denn lange wohnen in der Gottlosen Hütte/ Psal. 84.

Wenn man nun in der Christlichen Kirchen andechtig betet: so wil Gott auch hören/ vnd erhören/ Vnd weil die Rechte des **YERON** alles endern kan/ Psal. 77. So wil er sich auch mit seiner Hülffe spüren/ vnd mercken lassen. So viel von der Erklärung des Texts.

U S U S *didaxiōs*.

Lehre.
Ein jeder sol
auff seinen
Beruff tro-
gen.

Syr. 10.

Als diesem Bericht haben wir zum ersten diese Hauptlehre in gebührliche acht zu nehmen/ Daß ein jeglicher Mensch in seinem Stande/ vnd Ampt/ auff seinen ordentlichen Beruff pochen/ trotzen/ vnd sich mit gantzem Ernst verlassen sol: Inmassen allhier der König David / vnd seine gehorsame Landstände thun/ welche sich lassen verlauten: Nun weis ich / daß der **YERON** seinem Gesalbten hilfft/ vnd erhöret ihn in seinem heiligen Himmel. Also sagt Syrach im 10. Capitel: Mein Kind/ in Widerwertigkeit sey getrost/ vnd trotze auff dein Ampt / Denn wer an seinem Ampt verzaget / wer wil dem helfen? Vnd wer wil den bey Ehren erhalten/ der sein Ampt selbst

verun-